



Ministarstvo  
za boračka  
pitanja i Udruženje  
Obrazovanje  
gradi BiH

Novac preusmjeren za stipendiranje

# STIPENDIJE ZA PETERO DJECE BORACA

**Svake godine prodamo od 25 do 30 hiljada kalendara i tako osiguramo 50-ak stipendija, naveo je izvršni direktor i osnivač Udruženja Jovan Divjak**

Ministarstvo za boračka pitanja KS-a donirat će Udruženju Obrazovanje gradi BiH novčana sredstva za stipendiranje petero djece demobilisanih boraca u narednoj školskoj godini. Dogovoreno je to prilikom jučerašnje posjete ministra Muharema Fiše ovom udruženju.

## Godišnji kalendari

- Ministarstvo je donijelo odluku da dio sredstava planiranih za obilježavanje ovogodišnje manifestacije Dani Prvog korpusa Armije RBiH, a koja su bila namijenjena za plaćanje angažmana estradnih umjetnika, preusmjeri za stipendiranje te djece, obrazložio je ministar Fišo.

Udruženje Obrazovanje gradi

BiH pomaže i stipendira djecu žrtava proteklog rata u BiH, invalidnu i talentovanu djecu, nabavlja im školski pribor i sportsku opremu, štampa i prodaje godišnje kalendare, te organizuje humanitarne koncerte i aukcije slika već 21 godinu.

Od svog osnivanja do danas Udruženje je stipendiralo oko 5.700 djece.

- Za njihove stipendije izdvojili smo oko 2,7 miliona eura, a najveći dio tih sredstava obezbijedimo od prodaje kalendara. Svake godine prodamo od 25 do 30 hiljada kalendara i tako osiguramo 50-ak stipendija, naveo je izvršni direktor i osnivač Udruženja Jovan Divjak.

On je zahvalio na iznesenoj inicijativi predstavnicima Mi-

nistarstva, te ih je informisao o procedurama realizacije tih stipendija i obaveza koje će budućim stipendistima morati ispoštovati. U znak zahvalnosti poklonio im je Monografiju Dvadeset godina u ozračju djece i Mapu odbrane Sarajeva koju je izradio član njihovog udruženja.

## Ispoštovati obaveze

Ministar Fišo je informisao Divjaka i o novom konceptu organizacije manifestacije Dani Prvog korpusa Armije RBiH, u koju će biti uključen veliki broj mladih, te ga je pozvao da kao bivši general, humanista i čovjek sa velikim iskustvom u radu sa mladima učestvuje u organizaciji.

E. A.